



## МЕСЯЦА ДЕКАБРЯ В 3-Й ДЕНЬ

Преподобнаго игумена Саввы Сторожёвскаго,  
Звенигородскаго

ВЕЧЕР

Блажен муж: 1-й антифён. На Господи, возвах:  
стихиры на 6, глас 6.

Подобен: Все отлжше:

**Н**ир возненавидев, / Христа возлюбил еси, /  
Сиона мысленнаго житель показался  
еси. / Наставлением учителя твоего / со-  
вершеннаго послушания достигл еси / и  
многая искушения претерпел еси. / Божественным  
Духом себе вооружив, / к борению лстываго,  
радуясь, изшел еси / и сего победил еси / силою из  
Девы Возсиявшаго.

От юности, преподобне, / плотская мудрования  
покорил еси духу, / и, в живоносную мертво-  
сть одеваясь, / светильник, блаженне, явился еси пре-  
светлый. / Благодатию Божественнаго Духа / ис-  
тинен пастырь показався, / словесною, Савво,  
цевницею / собранное стадо о Христе добре упасл  
еси / и на пажить духовную возвел еси.

Зрети желая мысленную светлость / Божествен-  
наго обожения, / житие возжелев невеществен-  
ное, / мир оставил еси, / пустыню достигл еси и  
слезами сию напоил еси, желание улучив, / еже ко  
Владыце твоему предстояние, / и ныне священно-  
лепно предстоиши, / со Ангелы ликовствуя.

### Слава, глас тойже. Самогласен:

**Е**же по образу соблюд невредимо, / ум владыку на страсти пагубныя поствнически поставив, / во еже по подобию яко мощно возшел еси: / мужески бо естество понудив, / потщался еси худшее покорити лучшему / и плоть поработити духу; / темже монашествующих явился еси верх, / житель пустынный, благодетель обучитель, / правило добродетели известнейшее; / и ныне на Небесех, зеркалом разрешшимся, / отче наш Савво, / чисте зриши Святую Троицу, / моляся несредственне о иже верою и любовию чтущих тя.

**И ныне, Богородичен: Кто Тебе не ублажит:**

**Вход. Прокимен дне, и чтения 3 (зри страницы 151—153).**

### На стиховне стихиры, глас 4.

**Подобен: Яко добля:**

**Б**ожиею силою укрепляемь, / мысль свою Горю возвышая, / Небесное наследие, отче, приял еси / и на земли благочестно собранная твоя паствы чада упасл еси, / доблим твоим нравом / и равноангельным житием, / Духа светлостью святыми осияемь, / о всех присно моляся, / творящих священную память твою.

**Стих: Честна пред Господем / смерть преподобных Его.**

**Ж**елая улучшить Небесную доброту, / на земли, яко безплотен, отче, подвизался еси; / имея пособие непобедимо, / силу Владыки твоего, / над страстьми воцарился еси / и ныне Вечному Царю предстоиши, / Егоже моли, Савво преподобне, / спастися душам нашим.

**Стих: Блажен муж, бойся Господа, / в заповедех Его восхоцет зело.**

**Ж**итие твое благочестно / добродетельми украшено, / правдою, яко Божественным венцем, венчався, / Владычню Престолу предстоиши, / со Ангельскими ликуя воинствы. / Сего ради ты в песнях почитаем, / Савво преподобне, отче наш, / моли спастися стаду твоему / от всех искушений.



**Слава, глас 8:**

**Монахов множества / наставника ты почитаем, / отче наш Савво: / твою бо стезю воистинну право ходити познахом. / Блажен еси, Христу работав, / и вражью обличил еси силу, / Ангелов собеседниче, преподобных сопричастниче и праведных; / с нимиже молися Господеви / помилува- тия душам нашим.**

**И ныне, Богородичен: Безневестная Дево:****Тропарь, глас 8:**

**П**устыни явился еси доброе прозябение, препо- добне: / от юности бо изволил еси чистое житие, / духовному твоему учителю последуя, / и того учением ум к Небесным вперив, / и стаду твоему премудр наставник показался еси; / тем и Христос яко пресветла ты светильника чудесы обогатил. / Савво, отче наш, моли спастися душам нашим.

**НА УТРЕНИ****По 1-м стихословии седален, глас 4:**

**Законно устроив твою жизнь, / страстная възг- рания до конца увядил еси, / победы венец от Бога приыл еси, Савво, отче наш, / моли спастися душам нашим.**

**Слава, и ныне, Богородичен:**

**В кров Твой, Пречистая Дево, прибегающих, / молитву приемши от нас, / не претай молящи Человеколюбца спастися рабом Твоим.**

**По 2-м стихословии седален, глас 1:**

**Совершенную к Богу любовь стяжал еси, отче, / земная преобидев, к Небесным возшел еси, раду- яся; / венцосче преблаженне, / моли Христа Бога, спастися душам нашим.**

**Слава, и ныне, Богородичен:**

**Упование христианом, Пресвятая Дево, / Егоже родила еси, Бога, паче ума и слова, / непрестанно моли о воспевающих Тя, / подати оставление грехов наших всех / и исправление жития верою и любовью присно славящим Тя.**

**По полиелѣи седáлен, глас 8:**

**Владѣще Христу́ во всем, óтче Сáвво, угоди́л еси́, / Иже Своего́ Цáрства снаслѣдника тя сотвори́, / и по свято́м преставлѣнии честны́я твоѣ́ мѳщи источа́ют различная исцелѣния, / тѣмже вопиѣм ти: / моли́ спаст́ся душáм нáшим.**

**Слáва, и ны́не, Богородичен:**

**От всякаго прещѣния и озлоблѣния человек спаси́ ны, Пресвятáя Дѣво: / Тя бо ймамы покрѳв и заступлѣние, прибега́ющи к Тебѣ́, Богомáти, / и рождѣннаго из Тебѣ́ Бѳга нáшего, / Егѳже моли́ избáвиться от бед рабѳм Твоѳм.**

**Степѣнна, 1-й антифѳн 4-го глáса. Прокѳмен: Честнá пред Гѳсподем / смѣртъ преподѳбных Егѳ. Стих: Чтѳ воздáм Господѣви о всех, я́же воздаде ми. Евáнгелие от Матфѣя, зачáло 43.**

**По 50-м псалмѣ стихѳра, глас 2:**

**Преподѳбне óтче, / измлáда в добродѣтели прилѣжно обучѳвсь, / оргáн был еси́ Святáго Дѳха, / и от Него́ приѣм чудѣс дѣйство, / научѳл еси́ челове́ки преобѳидети сладкая. / Ны́не же, Божѣственным свѣтом чистѣйше осиявáемь, / просветѳи и нáша мы́сли, / Сáвво, óтче наш.**

**Канѳн Богородице со ирмосѳм на 6. И свѳтáго на 8, глас 6.**

**Песнь 1**

**Ирмос: Я́ко по сѳху, пешешѣствовав Израѳиль / по бѣздне стопáми, / гонѳтеля фараѳна / видя потоплѣема, / Бѳгу побѣдную пѣснь поѳм, вопи́яше.**

**Настáви мя, Гѳсподи Бѳже мой, / да возмогу́ благочѣстно угѳдника Твоегѳ, преподѳбнаго Сáввы, / слáвное и честнѳе восхвалѳти торжествѳ.**

**Мѳжески подвизáлся еси́ / и, зарѳю духѳвную восприѣм, / взя́лся еси́ к высотѣ́ Небѣсней, / и ны́не со А́нгелы прославлѣяеши́ся.**

**Ору́жием крестá ограждáясь, преподѳбне, / всю сѳлу прѳтивнаго побѣди́л еси́ / и до концá сегѳ без вѣсти сотвори́л еси́.**

**Богородичен: Пресѳщное Сло́во, существѳ нáше приѣм от чѳстых кровѣй Твоѳх, / богосодѣла нас, тлѣния избáвив, Чѳстая: / сегѳ рáди Тя прѳсно слáвим.**

**Катавáсия: Христѳс раждáется:**



### Песнь 3

**Ирмос:** *Нѣсть свят, / якоже Ты, Господи Боже мой, / вознесый рог верных Твоих, Блаже, / и утвердивый нас на камени / исповѣдания Твоего.*

**Молча́нием** язык обузда́л еси́ / и немяте́жным жити́ем во плоти́ а́нгельски, о́тче, пожи́л еси́.

**Вои́стинну** благі́я жи́зни сподо́бился еси́, преподо́бне, / чистото́ю и поще́нием сию́ обрѣт. / И ны́не со безплотными вопи́еши: / несть свят, па́че Тебе́, Господи.

**Триси́янным** Свѣтом озаре́н, / и благода́ть Ду́ха Свята́го всели́ся в тя, преподо́бне, / возлю́блши чистую твою́ ду́шу, и непреста́нно вопи́еши: / несть свят, па́че Тебе́, Господи.

**Богоро́дичен:** *Разуме́ти рожества́ Твоего́, Чи́стая, неизглаго́ланную глубину́ / недоуме́ет ум челове́чъ: / Бог бо, исто́щив Себе́ за милосе́рдие во утробе́ Твое́й, / все́го мя обнові́.*

### Седа́лен, глас 4:

**М**раз но́щный претерпе́л еси́, / и тяготу́ ва́ра дневна́го понѣсл еси́, / и сих ра́ди вѣчное наслажде́ние и пи́щу присноживу́щую восприя́л еси́, / Христо́в уго́дниче, блаже́нне Са́вво: / моли́ спасти́ся душа́м на́шим.

### Сла́ва, и ны́не, Богоро́дичен:

**Чи́стая, Всенепоро́чная и Неискусому́жная, / Яже Еди́на Безле́тнаго Сы́на и Сло́ва Бо́жия в ле́то ро́ждши, / Сего́ со святы́ми и честны́ми патриархи, / му́ченики, проро́ки и преподо́бными моли́ / дарова́ти нам очище́ние и ве́лию ми́лость.**

### Песнь 4

**Ирмос:** *Христо́с моя́ си́ла, / Бог и Госпо́дь, / честна́я Це́рковь / боголе́пно поѣт, взыва́ющи, / от смы́сла чи́ста о Господе́ пра́зднующи.*

**Безме́рное** смире́ние возлюбі́в, / свое́я мы́сли зрительное очы́стил еси́ / и ны́не, в ра́йских селе́ниих водворя́ясь, вопи́еши: / сла́ва си́ле Твое́й, Господи.

**Сле́зными** пото́ки, преподо́бне, зе́млю се́рдца твоего́ напо́йл еси́, / предсто́я в моли́тве неколе́б-

лен, / Творцú всех взывáл еси: / слава силе Твоей, Гóсподи.

**Не забуди стада твоего, преподóбне, / еже мúдре собрал еси / и в жизни сей упáсл еси благочестно: / потщýся, óтче наш Савво, ввести во оградy Небесную.**

**Богорóдичен: Чистоты жилище, селение Владыки всех / и пророков всех сбытие, Богорадованная Чистая, / поющая Тя ущедри.**

### Песнь 5

**Ирмос: Бóжиим светом Твоим, Блаже, / утренюющих Ти дýши любовью озари, молюся, / Тя ведети, Слове Бóжий, / истиннаго Бóга, / от мрака греховнаго взывáюща.**

**Бóдренными бдении, блаженне, и частыми воздыхáнии, / Благодать Дýха возрастé в тебе, óтче, / и славна ты, Сáвво, показá.**

**Владычне смирение восприим, воду почерпая, / на рамах своих носить избóлил еси: / начальника трудоположна во всем себе показáл еси.**

**Преблаженне, Богоприятне óтче наш Савво, / непрестáнно стадо твоё вопиёт ти: / молитвами твоими ко Гóсподу спаси ны, молимся.**

**Богорóдичен: По рождении страшнем пребыла еси Дéва, якоже прежде. / Бог бе рождéйся, устрояй вся волею, / Безневéстная Мариe Богоблагодáтная.**

### Песнь 6

**Ирмос: Житéйское море, / воздвизáемое зря напáстей бурею, / к тóхому пристáнищу Твоему притék, вопию Ти: / возведи от тли живóт мой, Многомýлостиве.**

**Страдания подвиг твоих, преблаженне, / клас Божественный возрастил еси и питаеши благочестно восхваляющия ты, / Сáвво преподобне, óтче наш.**

**Князя прошение, óтче, со тщáнием исполняя, / храм Богомáтере воздвигл еси, / в нёмже прáздничною радостью монахов мнóжества веселятся, / пáмять твою прославляюще.**



**Ка́плями по́тов твои́х, преподо́бне, / враго́в  
ополче́ния попра́л еси́ / и дости́гл еси́ а́нгельския  
невеще́ственныя ли́ки.**

**Богоро́дичен: Всеблага́я Влады́чице, / я́же пре-  
блага́го Бо́га плоти́ю ро́ждши, / озло́бленное стра-  
стми́ моё се́рдце очисти́, / да ве́рою и любви́ю  
велича́ю Тя.**

### **Конда́к, глас 2.**

**Подобен: Вы́шних ища́:**

**Г**оспо́дним желáнием распали́вся, / стра́сти  
плотскы́я воздержáнием оттря́с, / Боже́ствен-  
наго све́та незаходи́мое свети́ло яви́лся еси́, /  
чудес́ лучáми всех просвещáеши, / притека́ющих к  
мо́щем твои́м, / Сáвво преподо́бне, о́тче наш.

### **Йкос:**

**Всеси́льное Ду́ха Свята́го де́йство богови́дно в  
тя всели́ся, / и Боголе́пными мановéнии благоте́ч-  
не иди́й к горе́, / иде́же хоте́л еси́ оби́тель воздвиг-  
нути, / и, я́коже Небе́сный рай, благово́нными  
насажде́н цветы́, / сию́ обрёт, всели́лся еси́ / и хра́м  
Богома́тере чу́ден воздвигл еси́, / мона́хов мно́же-  
ство собра́л еси́, / и сия́, добродетельными де́янии  
све́тло блиста́ющая, / воздержáнии му́дростная  
вообра́жь; / и ны́не, в па́мять твою́ соше́дшися,  
вопи́ем ти: / моли́ о нас, Сáвво преподо́бне, о́тче  
наш.**

### **Песнь 7**

**Ирмо́с: Росода́тельную у́бо пещь / соде́ла А́нгел /  
преподо́бным отро́ком, / халде́и же опаля́ющее /  
велéние Бо́жие мучи́теля увещá вопи́ти: / благо-  
словéн еси́, Бо́же о́тец на́ших.**

**Пучи́ною слез твои́х, пребога́те, / злоначáльнаго  
змия́ потопи́л еси́, / я́ко победоно́сец изря́ден к  
Небе́сным возлетéл еси́, / непреста́нно вопи́еши: /  
благословéн Бог о́тец на́ших.**

**Жити́е незло́биво имéл еси́, и непорóчно, / и  
укра́шено по́ты страда́ния, прехва́льне, / Божé-  
ственнаго светолити́я испо́лнися, взыва́л еси́: /  
благословéн Бог о́тец на́ших.**

**Хва́лится, преподо́бне, град твой, / я́ко венце́м  
ца́рским обложи́ся, имéя мо́щи тво́я в себе́, / я́ко  
добра́ гражда́нина от Бо́га при́ял есть.**

**Богорóдичен:** Препéтая Дéво, препéтаго Бóга рóждшая,/ пою́щая Тя причáстники покажи́ Свéта/ и избáви геéнны огнjá/ и всякаго врéда вра́жия моли́твами Твоими́.

### Песнь 8

**Ирмо́с:** Из пла́мене преподóбным рóсу источил еси́/ и прáведнаго жéртву водо́ю попалил еси́:/ вся бо твори́ши, Христé, то́кмо éже хотéти./ Тя превозно́сим во вся вéки.

**Мудровáние** плотскóе умертвил еси́,/ чéсти и имéния совлéклся еси́,/ от земли́ к Небéсным взы́ти тщася и вся пéти научáя:/ Гóспода пойте и превозно́сите егó во вéки.

**Сéрдца** твоегó бразды́, óтче Сáвво, мýдре воздéлал еси́,/ слéзными тóчками сия́ напоил еси́/ и благоухáнно мýро принéслся еси́ Христý,/ Емýже вопиéши:/ Гóспода пойте и превозно́сите Егó во вéки.

**Христý** принося́, блажéнне, пощéния, и слéзы,/ и непорóчную молитву, рíзную лéпоту/ и мя́гкия одéжды влася́ными рýбы пременил еси́,/ сим показу́я глубочáйшее смире́ние.

**Богорóдичен:** Избáвльшеся пéрвыя кля́твы Рожде́ством Твоимъ,/ всеблагословéнная Отрокови́це Богорáдованная,/ Гаври́илов тебе́ глас возсыла́ем:/ ра́дуйся, ви́новная всех спасéния.

### Песнь 9

**Ирмо́с:** Бóга/ челове́ком невозмо́жно ви́дети,/ на Него́же не сме́ют чýни А́нгельстии взира́ти;/ Тобо́ю бо, Всечы́стая, яв́ися челове́ком/ Сло́во воплоще́нно,/ Егóже велича́юще,/ с Небéсными во́и Тя ублажа́ем.

**Ви́дети** сла́ву Вседержи́теля желáя,/ обновил еси́ душй́ крéпость/ и сла́вою обогати́лся еси́ Небéсною.

**Честно́е** украше́ние благодáти, óтче преподóбне Сáвво,/ испроси́ нам во бранéх крéпость и здравие телесé,/ я́ко да непрестáнно тя велича́ем.

**Чýни** А́нгельстии тебе́, óтче, сретóша,/ и прáведных собóри возвесели́шася,/ и от вседержи́-



тельные десницы Владычни венчался еси, / темже ты достойно величаем.

**Богородичен:** Светом Твоим мя, / Богорадованная в женах Дево, / просвети, молюся, / и огня вечнаго избави мя, / яко да величаю Тя / и по долгу да воспою величия Твоя.

**Светилен:**

Помыслом лучшим страсти удержав, / и демонов свирепства низложил еси. / И ныне со дерзновением предстои Христу, / молися о стаде твоём, отче наш.

**Богородичен:**

По Бозе на Тя уповаем, Пречистая, / из Тебе прошедшему сраспинаеми Христу, / Твоими к Нему мольбами невреденны до конца ны сохрани.

**На хвалитех стихиры на 4, глас 8. Самогласны:**

Божественною силою одеваяся, / умертвил еси себе миру; / житие непорочно пожив, преславне, / единокитель Сергия Божественнаго был еси.

Чистоты сосуд показався, / исцелений зарй облистал еси, / постников удобрение, монашествоующих похвала, / Савво преподобне, отче наш.

Умертвив себе миру, / жизнь равноангельну на земли пожил еси, / и, яко дар освящен, Владыце, преподобне, / Твою душу, Савво, принёсл еси, / исцелений зарй облистал еси / и Божественнаго Царствия достойно получил еси, / моли спастися душам нашим.

Светлое и Богоугодное житие твоё, / яко свет, воистинну на земли показася, / Божественную видети светлость, Савво, сподобился еси, / темже и видимая вся оставил еси / и Непостижимаго зрети сподобился еси, / Егоже моли, преподобне, / спастися душам нашим.

**Слава, глас 6:**

Преподобне отче Савво, / во всю землю изыде вещание исправлений твоих, / темже на Небесех обрёл еси мзду трудов твоих, / демонския разорил еси полки / и Ангельския достигл еси чины, / ихже житию без порока поревновал еси, / дерзновение имея ко Господу, / мир испроси душам нашим.

**И ныне, Богородичен: Богородице, Ты еси лоза истинная:**


**Славословие великое и отпуст.**

**НА ЛИТУРГИИ**

**Блаженны, песни 3-я и 6-я. Прокимен: Честна пред Господом/ смерть преподобных Его. Апостол к Галатам, зачало 213. Евангелие от Матфея, зачало 10. Причастен: В память вечную:**

**Преподобный Савва Сторожевский, Звенигородский чудотворец**, очень молодым пришел в обитель преподобного Сергия Радонежского (†1392, память 5 июля и 25 сентября) и принял от него постриг в монашество. Он был одним из первых учеников и сподвижников преподобного Сергия. Под руководством этого наставника преподобный Савва научился послушанию, смирению, хранению помыслов, воздержанию и целомудрию. Преподобный любил безмолвие, поэтому избегал бесед с людьми. Он никогда не был праздным; часто плакал о нищете своей души. Святой питался только растительной пищей, носил грубую одежду, спал на полу. Подвижническая жизнь преподобного Саввы снискала ему всеобщую любовь; он был поставлен во пресвитера и назначен преподобным Сергием духовником братии. Наставления преподобного Саввы были настолько назидательны, что не только иноки, но и миряне открывали ему свои души.

По благословению преподобного Сергия инок Савва стал игуменом обители Успения Божией Матери. Ее устроил на реке Дубенке великий князь Московский благоверный Димитрий Донской в благодарность за победу над Мамаем. В 1392 году, когда преемник преподобного Сергия — игумен Никон — оставил управление монастырем и затворился в своей келлии, братия Троицкого монастыря умолили преподобного Савву вернуться в их обитель и принять игуменский жезл. В течение шести лет преподобный Савва, прибегая к молитвенной помощи преподобного Сергия, пас порученное ему стадо. По примеру преподобного Сергия святой Савва во время игуменства молитвою



извел источник воды за северной стеной монастыря.

Князь Юрий Димитриевич Звенигородский, крестный сын преподобного Сергия, избрал преподобного Савву своим духовником. По его просьбе преподобный основал близ Звенигорода новую обитель. Но, стремясь к уединению, преподобный Савва ушел на пустынное место — гору Сторожевскую. Там он построил деревянный храм в честь Рождества Пресвятой Богородицы и малую келлию для себя. Слухи о иноческих подвигах привлекли к нему многих искавших уединения и безмолвной жизни. В 1399 году преподобный основал на Сторожевой горе монастырь и с отече-



ской любовью принимал всех ищущих спасения, научал их иноческому послушанию и смирению. Преподобный Савва, несмотря на преклонные годы, много потрудился при устройстве обители. Подавая пример инокам, он выполнял все необходимые работы, предостерегая всех от праздности. Преподобный выкопал себе пещеру в версте от монастыря, в которой подолгу со слезами молился и предавался Богомыслию.

За высокую добродетельную жизнь Господу угодно было прославить преподобного даром прозорливости. Перед походом князя Звенигородского Юрия Димитриевича на войну, святой старец, помолившись, благословил его и предсказал ему победу и благополучное возвращение.

Скончался святой в глубокой старости 3 декабря 1406 года. В грамоте 1539 года преподобный Савва называется чудотворцем. В середине XVI в. было составлено описание чудес. От мощей преподобного исцелялись больные и изгонялись бесы из одержимых. Несколько раз преподобный Савва Сторожевский являлся насельникам обители, молитвенно обращавшимся к нему за помощью.

Однажды преподобный Савва явился во сне игумену Сторожевской обители Дионисию, который был иконописцем. После этого видения игумен Дионисий написал первую икону святого Саввы. Празднование преподобному Савве было установлено в 1547 году на Московском Соборе. Нетленные мощи его обретены 19 января 1652 года.

В  
ТОЙЖЕ  
ДЕНЬ



## Святаго пророка Софонии

На Господи, возвах: **стихиры пророка 3, глас 4.**

**Подобен: Званный свыше:**

**И**же зарю Богоначальнейшаго сияния приим/  
умá чистотою и Божественных словес/  
возвѣстник, и прознаменатель, / и пророк Божественный быв, / уста Богодвижимая явился еси  
Духа, / яже от Него тебе показуемая проповѣдуя / и  
скажуя всем языком / даемое спасение и Царствие  
Христово, всечестне, / Егоче моли / спасти и  
просветити души наша.

**И**же Боговидением сияя достойно, / и пророческим председательством / и благодатию почествован, Богодохновенне, / и Божественнаго сподоблен блаженства, / к Преплагому ныне дерзновением твоим / и милованием одержимь, / моляся не престай / о иже верою ты восхваляющих / и чтущих яко Богоглаголива / и честна, и Богоприятна, / от бед избавити и спасти души наша.

**Т**воего пророка, / яко одушевленна облака, / показал еси, Безсмертне, / воду точаща в жизнь

войстинну вѣчную, / послáв сего́ богáтно / и даро-  
вáв Дúха Всесвятáго, / Единосúщнаго Тебѣ, Отцú  
Вседержителю, / и Сýну Твоемú, / из Твоего́ Суще-  
ствá возсия́вшему, / Ёмже проречѣ спасительное  
пришествие / Христá Бóга нáшего / и язýком всем  
спасѣние провозвестí.

**Ины стихи́ры Богородицы,  
глас и подобен тойже:**

**(Аще аллилу́ия, пою́тся сии стихи́ры прѣжде,  
потомъ святáго.)**

Ёмже благочѣстно поклоня́ющияся Твоемú  
Рождествú / от всякаго спасáй навѣта вра́жня, /  
Богороди́тельнице Всенепоро́чная, / я́ко Предста-  
тельница всего́ рóда нáшего сýщи: / Тя бо ны́не  
пóмошь вси стяжáхом, / прибѣжище же и  
утверждѣние / и Ходáтаицу ко Влады́це Христú и  
Гóсподу; / Егóже моли́ / даровáти мир мíру, мо́лим-  
ся, / и греховъ разрешѣние / притека́ющим в кров  
Твой.

Се гно́ения обнажáю Тебѣ душí моея́ / и показúю  
лю́тыя я́звы, / я́же разбо́йницы наложи́ша мне, /  
лука́вствия по́мыслы / дѣмонскими смущѣнии, /  
Влады́чице Всенепоро́чная, / Целителя́ дúш и  
телѣс рóждшая, / исцелѣние Ты ми пода́ждь сим, /  
излива́ющи елѣй милосѣрдия Твоего́ и блага́ости / к  
благорастворѣнию спасѣния и здравия.

Не скрýю, ока́янный, лю́тых мо́их, / я́ко вся  
стяжáх, я́же ненавидит Бог: / плоть оскверни́х и  
дух мой, / и ум помышлѣнии нечýстыми, / и дѣлы, и  
словесы́ скверными; / язýком осуждáю согрешá-  
ющих, / сам гóршая содева́ю, Богороди́тельнице; /  
всех мне сих даждь исправлѣние, / да, восклонíвсь  
злáго моего́ обы́чая, / припада́ю и пла́чуся, / о  
ни́хже зле соделах / в жи́зни мое́й хождѣнием.

**Сла́ва, и ны́не. Подóбен тойже:**

Я́ко во глубинú мно́гих согрешѣний впадóх / от  
лѣности моея́ / и уны́ния, ока́янный, и невѣдения, /  
и отча́янием ны́не одержимъ есмь; / бúди ми  
пóмошь, и очищѣние, / и спасѣние, Пречýстая, / и  
утешѣние благопрѣменно пода́ющи ми, / Тя мо́лю, /  
и Тебѣ мýлсь дѣю и припада́ю, / и вѣрою зовú Ти, /  
да не явлю́ся до концá льстíвому обра́дование.



### Крестобогородичен, подобен тойже:

Не рыдай Менé, Мати, / зрящи на Древе повéше-  
на Твоего Сына и Бóга, / на водах повесившаго  
зёмлю неодождимо / и всю тварь создавшаго; / ибо  
востáну и прослáвлюся, / и áдова цáрствия сокру-  
шú крéпостию, / и погублю тогó силу, / и связанная  
избáвлю / от злодéйства егó, / яко Благоутрóбен, / и  
Отцú Моемú приведу, / яко Человеколюбец.

### На стихóвне Октóиха.

#### Тропáрь, глас 2:

**П**рорóка Твоего Софóнии пáмять, Гóсподи,  
празднующе, / тем Тя мóлим: / спаси дúши  
нáша.

#### НА УТРЕНИ

**Канóн, глас 6, егóже краегранéсие: Софóниева**  
мя слáва да уяснит. **Феофáново.**

#### Песнь 1

**Ирмóс:** Яко по сýху, пешешéствовав Израиль /  
по бéдне стопáми, / гонителя фараóна / видя  
потопляема, / Бóгу побéдную песнь поим, вопияше.

Тя мóлим, прорóче, Бóжию Престо́лу предсто-  
яща, / мо́лити прилéжно просвещéние даровати  
нам, / véрою честнóую пою́щим пáмять твою́.

Орган Божéственный явился еси́, / вмещáющ  
Божéственного Дúха просвещéний и дарóв, Софó-  
ние всемúдре: / тем, раду́ющися, véрнии, ты убла-  
жа́ем.

**Богородичен:** Светлэйшими заря́ми всю зёмлю  
возсиявшее Сóлнце / из святаго чрéва Твоего  
озаряет, Владычице; / имиже просвещáшися, / Тя,  
Бóжию Мáтерь, почита́ем.

#### Песнь 3

**Ирмóс:** Несть свят, / якоже Ты, Гóсподи Бóже  
мой, / вознесый рог véрных Тво́их, Бла́же, / и  
утвердивый нас на ка́мени / исповéдания Твоего́.

Вся видяй, яко Бог, бóдущих знáние / и хотящих  
быти вéдение Тебе́ явлéнно проявляет боголéпно /  
и показúет, блажéнне досточúдне.

Вжилív, блажéнне, твой ум благочéстным дер-  
зновéнием, / Духу Божéственному подклонил еси́

тебѣ / и был еси приятен тамо сущих Божественных вдохновений.

**Богородичен:** Се, Тебѣ вси рѣди блажат верою, / Безлѣтное Слово плѣтию в лѣто рѣждшую преестественно / и Дѣву паки пребывшую.

**Седален, глас 6.**

**Подобен:** Милосердия двѣри:

Очистив от скверн ум, всеумдре, / зеркало Божественное соделал еси, / луч приятно Божественного Духа; / и ныне ко Источнику, радуясь, отшел еси сияний, / пророче Софоние.

**Слава, и ныне, Богородичен:**

От сердца стенание и от утробы приношаю Ти, Пренепорочная, / Твое прося благопребытное заступление: / помилуй всестрастную мою душу, / умилостиви Многомилостиваго Бога избавити мя Судя / и эзера огненнаго, едина Благословенная.

**Крестобогородичен:**

Тя рѣждшая, Христѣ, Приснодѣва Отроковица, / на Крестѣ зрящи нас ради вознесена, / уязвляше свое печали оружием сердце и душу / и плакаше, рыдаючи матерски. / Той молитвами помилуй ны, Господи Милостиве.

**Песнь 4**

**Ирмос:** Христос моя сила, / Бог и Господь, / честная Церковь / боголѣпно поет, зываючи, / от смисла чиста о Господе праздноючи.

Всех Господь нам явися по пророчеству, блаженне, твоему, / вся призывая к познанию Своему, / и работы свободи.

Благодатию озаряемь, провозгласил еси, глаголя, / под яго единого подкланяющимся работати, / последующим вере и Господу служащим.

**Богородичен:** Маріе Всечистая, / страстей смущение моего помысла и напастей бурю разоры, / безстрастия Источник рѣждши, Мати Дѣво.

**Песнь 5**

**Ирмос:** Божиим светом Твоим, Блаже, / утренюющих Ти души любовью озари, молюся, / Тя ведети, Слове Божий, / истиннаго Бога, / от мрака греховнаго зывающа.



**От неправды к добродетели / и от страстей пленения мя, блаженне, / обрати твоими мольбами, пророче славне, / и к свету благочестия дел управи.**

**Просветив твою душу добродетелей благообразиями, / угóдну показáл еси к сиянием Божественнаго Духа, / от Негоже и пророчества благодатию обогатился еси.**

**Богородичен:** **Возглашают пророческая речения, Пречистая, / многими образы Рождество Твое, / ихже мы ныне сбытие зряще, / истинно Богородицу Тя возвещаем.**

### Песнь 6

**Ирмос:** **Житейское море, / воздвигаемое зря напастей бурею, / к тихому пристанищу Твоему притек, вопию Ти: / возведи от тли живот мой, Многомилостиве.**

**Прием, славне, Духа зарей явлением, / яко зеркало пророчества Божественнаго сияния, облистал еси, / яко сущая, пророчествуя будущая.**

**Твой прииде Царь, / радуйся, Сионе, и красуйся, видя, / и мир просвети блистаньями Своего Божества, / и демонскую лесть посрамай.**

**Богородичен:** **Плоти брэнней соединися / Иже из Отца Единородный в ложеснах Твоих, / Един из двух пройде без тления, / соблюди неврежденно чистое девство Твое, Всепетая.**

### Кондак, глас 4.

**Подобен:** **Явился еси:**

**Я**вился еси светозарен Божественным Духом, пророче Софоние, / Божие явление возгласив: / радуйся зело, дщи Сионя Иерусалимова, проповеждь: / се Царь Твой грядет, спасаая.

### Песнь 7

**Ирмос:** **Росодательну убо пещь / содела Ангел / преподобным отроком, / халдеи же опаляющее / веление Божие мучителя увещая вопити: / благословен еси, Боже отец наших.**

**Возсия память твоя, пророче, миру, якоже солнце, / озаряючи пророчества благодатию**

твоёю согласно поющия вёрно: / благословён еси, Бо́же отецъ нашихъ.

**Тучнейший** о́блак ты явѣлся, / тучу Богоразу́мня нам возсия́л еси́ от спасительныхъ, блаженне, исто́чников, / ѣмиже просвещаемся вопѣти: / благословён еси́, Бо́же отецъ нашихъ.

**Богородичен:** Сло́во, дре́вле Е́же быти подающее́ всемъ Божественнымъ хотѣнием, / воззвати восхотѣв чело́века, Чѣстая, / в Твою́ вселѣся утробу, Благословѣнная, / Я́же Бо́га плотию рождши.

### Песнь 8

**Ирмос:** Из пла́мене преподобнымъ росу́ источилъ еси́ / и праведнаго жёртву водо́ю попалилъ еси́: / вся бо твориши, Христе́, то́кмо е́же хотѣти. / Тя превозно́сим во вся вѣки.

Возложѣн весь Вседержителю, промыслѣния образомъ тайнонау́чился еси́, / строительно язѣки наказу́я; / темъ ты поёмъ, проро́че Богоглаго́ливе.

Моле́бное пѣние Бо́гу принеси́ о поющихъ ты, Богоблаженне, / и напáстей разорѣ́ смущѣние, / да ты поёмъ, проро́че Богоглаго́ливе.

**Богородичен:** Жизнода́вца рождши Бо́га и Го́спода, / смёртное губительство́ неудѣржное уста́вила еси́, Пречѣстая, си́е умертвивши; / темъ Ты поёмъ во вся вѣки.

### Песнь 9

**Ирмос:** Бо́га / чело́векомъ невозмóжно вѣдети, / на Него́же не смѣютъ чѣни А́нгельстии взира́ти; / Тобо́ю бо, Всечѣстая, явѣся чело́векомъ / Сло́во воплощённо, / Е́гоже велича́юще, / с Небѣсными во́и Ты ублажа́ем.


На землѣ́ крóткихъ ты вселѣлся еси́, / иде́же по кончѣ́не А́нгельския зрѣши́ свѣтлости, / Софо́ние всему́дре, проро́че Бо́жий, / крóтокъ бывъ, сия́я благода́тию; / те́мже, раду́ющися, вѣрнии, ты ублажа́ем.

Твоѣхъ проречѣ́ний, пресла́вне, / свѣтло вѣдяще́ бывшее́ сбытѣ́е, / да́нней тебѣ́ благода́ти чудѣ́мся, и ума́ твоего́ чистотѣ́, / и ду́шй Боговѣ́дному удивля́емся.



**Богородичен:** Яко Ты, никогдаже ина даровася от родов древних, Богомати Всенепорочная: / Ты бо едина всех несравненную имела еси святбню и чистоту, / темже прияла еси Бога, в Тебе воплощаема.

### Светилен дне.



**Святой пророк Софония**, один из 12 малых пророков, о себе говорит, что он — сын Хусия, имел деда Годолию, прадеда Аморию, прапрадеда Езекию. Все святые пророки, кроме Варуха, избегали длинных родословий. Не без причины святой Софония отступил от этого правила. Видимо, его предки прославились в своем отечестве. Возможно, что упоминаемый в Родословии (Мф. 1, 9—10) Езекия — известный благочестивый царь Иудейский (нач. VIII в. до Рождества Христова). Святитель Епифаний, епископ Кипрский (†403, память 12 мая), полагает, что пророк Софония происходил из колена Симеонова, из горной страны Саравафа (или Варафа — юго-западная пограничная часть Палестины). Сам святой Софония говорит о времени своего пророческого служения так: «Слово Господ-

не, которое было к Софонии... во дни Иосии, сына Амонова, царя Иудейского» (Соф. 1,1). Следовательно, жил пророк Софония за 600 с лишним лет до Рождества Христова.

В городах Иудеи того времени стояли языческие капища и идольские жертвенники. Совершались приношения человеческих жертв Молоху. В святом храме Иерусалимском на месте кивота Завета стоял идол Астарты. Царь Иосия, видя беззакония народа, воспламенился любовью к Истинному Богу и объявил решительную войну такому нечестию. Он разрушил статуи ложных богов, истребил языческие жертвенники. Своей жизнью Иосия являл пример добродетели.

Святой пророк Софония помогал благочестивому царю в его стремлении истребить идолопоклонство, призывая народ иудейский к покаянию. Проповедь пророка по силе и глубине напоминала пламенные речи великих пророков Исаии (VIII в. до Р. Х., память 9 мая) и Иеремии (VI в. до Р. Х., память 1 мая). Однако язычество, затаившись при царе Иосии, после его смерти появилось снова. Поэтому Господь устами пророка Софонии предрек наказание народу иудейскому. Так, было дано страшное пророчество о Ниневии: «...прострет Он руку Свою на север... и обратит Ниневию в развалины, в место сухое, как пустыня» (Соф. 2,13).

Пророк Софония глубоко скорбел о нечестии своего народа и горячо молился об обращении соотечественников на путь истины и спасения. И Господь открыл ему о наступлении того благодатного времени, когда явится Мессия, а с ним — радость, мир и спасение для всей земли. «Ликуй, дщерь Сиона! Торжествуй, Израиль!.. Господь, Царь Израилев, посреди тебя...» (Соф. 3, 14—15), — так пророчествовал святой Софония, возвещая беспредельную милость Бо-

жию, чтобы надеждою утешить и укрепить смиренных. Святая Православная Церковь видит в этих словах ясное указание на пришествие Христа Спасителя — на торжественный вход Господень в Иерусалим. Поэтому в службе Недели ваий в церкви

читают среди паремий одну из книги святого пророка Софонии.

О дне своей смерти пророк Софония узнал по откровению свыше. Скончался он в чаянии всеобщего воскресения и был, по преданию, погребен в своем доме.



В  
ТОЙЖЕ  
ДЕНЬ

## Святáго мученика Ангелí Творéние иеромонаха Никифора Хиосскаго

### НА ВЕЛИЦЕЙ ВЕЧЕРНИ

**Блажён муж: на Господи, воззвах: ставим стихов 6 и поём стихиры, глас 8.**

Подобен: О, преславнаго чудесе:

**С**лава Твоея благасти, / Сыне и Слове Бóга,  
Иисусе Всеблагий, / яко не хотé погубити  
творéние / Твоих пречистых рук, Человеколюбче, /  
но благоволением, Своёю благодатию / к разуму  
отвёргшагося Тя Ангелí / приведé от прегрешения  
и отметания.

**Мучениче Ангелí пречудне, / исконí злóbиваго  
врагá / многоразличную мúдрость, Богомúдре,  
разруши / и, небесномúдрый сый, утай от вéдущих  
тя / свое Небесное житиé, славне, / единым Хри-  
стóм живый / и вéдый Создавшаго тя.**

**В сведении\* злáго отметания и прегрешения  
быв, / постóм и слезáми Божéственное просí и  
вэлию мíлость / и с высоты Божéственную по-  
мощь, / ёюже и насыти дерзновением и сíлою дúшу  
свою / и побéду получи.**

**Христá сотвори́ти чáшу желáяй, Ангелí / вмени,  
яко умéты, / яко сýетное всего мíра, блаженне, /  
богáтство, славу и лéпоту / и не пощади́ тéла  
своего, / но рáны горестныя содела / и жízни  
изволи вэлию смерть.**

**Мучениче Христóв, соименный Ангелом, / с а́н-  
гельскими ли́ками к Бóгу представший, / людем  
вёрным святых, блаженне, испросí приношéние, /**

\* В сведении — в знании.



сущих на земли храни моли́твами тво́ими, / сущим же на мори утиши бури.

**Просящим за ны к Бо́гу насле́ди, / соименный Ангелом, / се́мо скорбящим: / с Миропи́ею Иси́дору, / с Маркеллом темницы стра́жу, / с Фео́филом Никола́ю / и с Ману́илом Никите, и Ма́ркону, и честне́й Матро́не, / и оста́ви нечестия прише́ствие.**

**Сла́ва, глас 2:**

**Но́вый му́ченик приложи́ся к му́ченик ликом, / Ангели́ пречу́дный, / но́вую вину́ пра́здника и торже́ства вдал еси́ Це́ркви, / в нейже ве́рно собра́вшеся, / восхва́лим тя, глаго́люще: / ра́дуйся, иже Христа́ просла́вивый боголе́пно дерзнове́ным испове́данием тво́им / и враг посра́мивый благодерзнове́нием словес тво́их, / ра́дуйся, ору́жнице Небе́снаго Ца́рствия ополче́ния / и во́ине непобеди́мый, / ра́дуйся, иже Ца́рствие красото́й поима́вый / и вене́ц добро́ты из рук Го́спода прия́вый, / Ему́же моли́тися не престава́й за ве́рных / и с любо́вию соверша́ющих присночестну́ю па́мять твою́.**

**И ны́не, глас тойже, Богоро́дичен:**

**Се вре́мя прибли́жися спасе́ния на́шего, / гото́вися, верте́пе: / Де́ва прибли́жается, е́же роди́ти, / Вифле́еме, земле́ Иу́дова, / красу́йся и весели́ся, / я́ко из тебе́ возсия́ Госпо́дь наш, / услы́шите, го́ры, и хо́лми, и окрестны́я страны́ Иуде́йския, / я́ко гряде́т Христо́с, / да спасе́т, е́гоже созда́, челове́ка, я́ко Человеколю́бец.**

**Вход. Свете тихий: Прокимен и чтения:**

**1-я: Та́ко глаго́лет Госпо́дь: / вси язы́цы собра́шася вку́пе: (зри страни́цы 451—452).**

**2-я: Пра́ведных ду́ши в руце́ Бо́жией: (зри страни́цу 452).**

**3-я: Пра́ведник, а́ще пости́гнет сконча́тися, в поко́и бу́дет: (зри страни́цы 152—153).**

**На литии, стихира, глас 1:**

**Сокруше́нным се́рдцем / и душе́ю, горя́щей любо́вию муче́ния, / сотвори́ти ше́дый ча́шу, / уста́вил еси́ ны́не любве́ желáния обы́чай, / соименный Ангелом всечу́дный, / сегó ра́ди му́ченическим дерзнове́нием и сла́вою Христу́ предста́вый, / ис-**

проси любящим тя Божественную и богатую милость.

### Слава, глас 5:

**Блажен еси, яко воистинну добрый, страстотерпче Христов, / соименный Ангелом, добробедниче, / аще бо иногда в воле нечестивых пребыва, / певцем уставися грешных / и на престоле нечестия восседа, / но, во Имя Господа твоего возношения делу / и неизреченному Божию человеколюбию поучився, / поприща достиже мучения /, и своею честною кровию напоивыйся обильно, / яко древо у потока вод, / в страсти плоды принесе спасения, / и ныне, древа жизни насытивыйся, / помяни и нас, с любовью восхваляющих тя.**

### И ныне, глас тойже, Богородичен:

**Не дряхлуй, Иосифе, / зря мою утробу: / узриши бо Раждаемаго от Мене, и возрадуешься, / и яко Богу поклонишися, / Богородица глаголаше ко Своему обручнику, / хотящи родити Христа. / Сию воспойм, глаголюще: / радуйся, Обрадованная, с Тобою Господь / и Тебе ради с нами.**

### На стиховне стихиры, глас 2.

**Подобен: Егда от Древа:**

**Радуюся, поручи себе посрамленным мучителем, / мучениче Христов Ангели, / вельми преславный, / к Богу желанием душу зажегший / и жаждущий от любви испити чашу страсти, / юже и испивый, страстотерпче, мечем усекновенный, / пожил еси в Христе.**

**Стих: Праведник, яко финикс, процветет, / яко кедр, иже в Ливане, умножится.**

**Мужественный Ангели / пред судищем нечестивым, мучениче светле, / Троическое Богоначальствие и Единое проповеда / и леств безбожную словесы твоими премудрыми обличы, крепкодушне, / имей в сердце Божественнаго Духа благодать, / яже Христовы рече глаголы.**

**Стих: Насаждени в дому Господни / во дворех Бога нашего процветут.**

**Мучениче, страстотерпче Ангели, / твоими к Богу молитвами / престави пришествие нечестия и велию пагубу, / отгони всякия от славящих че-**



стную твою страсть казни / и страшное оружие / и избави нас лютыя смерти, благомилостиве.

**Слава, глас 8:**

Молитва твоя неусыпающая к Богу / и ходатайство твое достославное за чтущих тя, новомучениче, / соименный Ангелом, / не рабским страхом, / но благим дерзновением и мученическою славою / молишися за нас, / посечен бывый, умерший, / и совершенную любовь показавый, / милостив буди и избави страшнаго пришествия пагубы / с любовью память совершающих твою / и воспевающих Божественную твою страсть.

**И ныне, глас тойже:**

Восприими, Вифлееме, Божию митрополию, / Свет бо незаходимый в тебе родиться приходит, / Ангели, удивитесь на Небеси, / человецы, прославите на земли, / волсви, от Персиды преславный дар принесите, / пастырие, свиряюще, трисвятое пение сладце воспойте: / всякое дыхание да хвалит Вседетеля.

**Тропарь, глас 1.**

Подобен: Лик ангельский:

**Л**ик ангельский, Ангели новомучениче, / и сонмы страстотерпец / восплескаша выспрь / твоему веры ради терпению и прекословию / и дух твой по благомудрию возведоша на Небеса / со славою ко Христу Богу нашему.

**НА УТРЕНИ**

**По 1-м стихословии седален, глас 4.**

Подобен: Удивися Иосиф:

В сокрушении сердца и в покаянии души / щедраго Бога моля, Ангели взываше: / беззаконие мое вижду, Человеколюбче Христе, / Иже хотяи человецы спасти, / прими мое покаяние, и слез моих виждь капли, / и не остави мя, молюся. / Ныне же любовью, треблаженне, чтущих тя помяни.

**Слава, и ныне, Богородичен:**

Удивися Иосиф, еже паче естества зря и внимаше мыслию, / иже на руно дождь, в безсеменном зачатии Твоем, Богородице, / купину, огнем неопальную, / жезл Ааронов прозябший, / и, свиде-

тельствую, обручник Твой и хранитель священником взываше: / Дева раждает и по Рождестве паки пребывает Дева.

**По 2-м стихословии седален, глас 3.**

**Подобен: Божия веры:**

**Положи Христа искрь\***, соименный Ангелом мучениче крепкий, / и, яко жертву, себе принесё, не престаи в Божественных молитвах за нас молящи, раб твоих, / память твою святую и честную поминающих в песнях и хвалах.

**Слава, и ныне, Богородичен:**

**Чудо превелие,** / како вместися Невместимый во чреве Твоем, / и воплотися, и явися яко Человек, не претерпевый смешения или разделения / Божественнаго и непреложнаго Божества, Отроковице Всечистая. / Темже Богородицу Ты верно проповедаем присно и славим.

**По полиелее, седален, глас 4.**

**Подобен: Явился еси днесь:**

**Честное твоё лице** блистая видится / от Божественной благодати зрящим, / являя славу, нами пойму, славне.

**Слава, глас тойже:**

**Образа твоего, святе,** препрославленного от Бога, красоту / в Божественней светлости и твою славу видети мя сподоби, раба твоего.

**И ныне, Богородичен:**

**Предстательнице,** от бед заступление непобедимое / и молитва, уготованная надеющимся на Тя, / от напастей мя избави и не презри малаго моего дыхания.

**Степенны, антифон 4-го гласа. Прокимен: Праведник, яко финикс, процветёт: Стих: Насаждени в дому Господни: Всякое дыхание: Евангелие ищи святому Георгию на утрени. По 50-м псалме стихира мученика, глас 2: Новый мученик: (зри славник на велицей вечерни).**

**Каноны Богородице и святому. Канон святому Ангелу, глас 1.**

\* Положи Христа искрь — стал Христу ближним.



### Песнь 1

**Ирмос:** Песнь побѣдную поим вси Бóгу, / сотворшему дивная чудеса мѣшцею высокою / и спасшему Израїля, / яко прославился.

Тьму, соименный Ангелом, разума моего / молитвами твоими ко Господу, мучениче, потреби, / да воспую тя в пѣснях, / приившаго честную и Божественную страсть.

Преславная страсть и заколение твоѣ / светлаго нам сотвориша праздника образ, / побѣдный Ангелъ, в пѣснях восхваляем тя.

Горняя сила Божественный дух твой явѣша, мучениче, соименный Ангелом, / моря же глубина от свѣрепия судий тѣло твоѣ утай.

**Богородичен:** Милости бездну раждающая, / помилуй, ущѣдри мою немощь, Богоблагостная, / и настави к свѣту покаяния.

### Ин канон святаго, глас 4.

**Ирмос:** Моря чермную пучину / невлажными стопами / древний пешешествовав Израїль, / крестообразными Моисеовыма рукама / Амаликову силу в пустыни победил есть.

Яко друга ближняго Владыки ты верно хвалим, / яко дерзновение имуща многое к Немю, соименный Ангелом, / яко страстотерпец непобедимый и достохвальный.

Претерпѣ любовь Христа и рачительством, порадовавшись духом, / темницу, муки и усекновение главы твоея, новомучениче, / и, яко жертва непорочная и приношение, Емю принесѣся.

Лица твоего мнозей светлости вся удивѣшася дивней, мучениче Ангелъ, / ёюже, мертв уже, блистая по Божественней благодати, преславне.

**Богородичен:** Поистине родила еси Бóга и Господа, Богородице, / Единая, и Избранная, и Чистая, / сего же ради верно Тя хвалим и воистину славим.

### Песнь 3

**Ирмос:** Да утвердѣтся сердце мое в воли Твоей, Христѣ Бóже, / Иже над водами небо утверждѣй второе / и основавый на водах зѣмлю, Всесильне.

**П**опаляемое огнём сердце твоё / ко Божественней любви несёй, / предася в заколении вольном, соимённый Ангелом, пречудне, / сего ради восхваляем тя.

**В**ниде в рвы, / пренесё добре, Христов мучениче Ангелі, вся муки, / и, смерть приявый, / жертва непорочная Христу принесёся.

**С**обирающихся в память твою / и восхваляющих верою теплою твои подвиги и заколение вольное, Ангелі, / от губительства лютаго защити и от всякаго зла.

**Богородичен:** Яви ми путь спасения, / сего же ради Царство Небесное наследую, Благая, недостойный раб Твой, / и услышу Трисвятую песнь, радуясь.

### Ин

**Ирмос:** Веселится о Тебе Церковь Твоя, Христе, зовущи: / Ты моя крепость, Господи, / и прибежище, и утверждение.

**Р**адовашеся в темнице, зляя раны, Ангелі, имёл еси, / Ты моя, Христе, сила, — вопия, — / и крепость моя непобедимая.

**Р**азрушил еси мужески велехваления гордость агарян, храбре, / словесы твоими / и обличил еси нечестие.

**В**оспеваем раны твои, Ангелі, и во мраце затворение, / имже крепче нужен бысть, / и усекновение главы твоея.

**Богородичен:** Покрове светозарный воистинну всякаго естества, / свете таинственный Христа, / света луча дай ми.

### Седален, глас 3.

**Подобен:** Красоте девства:

**П**отоки кровей твоих землю напоил еси, / но и море ты освятил еси телесем твоим, / в негоже низвержен бысть немилостивным и злым свирепием, Ангелі, / темже молим тя: / сущих на земли и плавающих спаси от всяких бед / Божественным твоим, страстотерпче, промыслением.

### Слава, и ныне, Богородичен:

**К**расоте девства Твоего и пресветлой чистоте Твоей / Гавриил удивився, вопияше Ти, Богороди-



це: / кую Ти похвалу принесу достойную? / Что же возыменую Тя? / Недоумеваю и ужасаюся. / Тем же, яко повелен бых, вопию: / радуйся, Благодатная.

#### Песнь 4

**Ирмос:** Духом провидя, пророче Аввакуме, Словесе воплощение, / проповедал еси, вопия: / внемди приблизиться летом — познаешися, / внемди прийти времени — покажешися. / Слава силе Твоей, Господи.

Духа благодать, поставивши шатер в Тебе, / вся оставить мира красоту, мучениче славный Ангели, / понуди ты и наслаждение, и совершенный плод Божественный Богу быти.

Страсть твою, мучениче Богомудре Ангели, / праздника образу светлому причастии / возлюбивших ты, непобедимый новомучениче, красота и слава, / тем же, собравшися, воспеваем ты.

Море гроб твой сотворися, / ты невидимо предстаи и свободи от злых к тебе вопиющих в вере и благочестии / и скорое твоё предстательство просящих в треволнении и бурях.

**Богородичен:** Помилуй мя, Единая, милости Источник, Богородице, породивши, / и свободи болезней души моей и безчувствия сердца, / и даждь покаяние и лютых избавление.

#### Ин

**Ирмос:** Вознесена Ты видевши Церковь на Кресте, / Солнце Праведное, / ста в чине своём, / достойно взываючи: / слава силе Твоей, Господи.

Биением лика и персей ты умертвити хотеша, / сего ради уязвлен ранами был еси, / и честную главу твою отсекоша, мучениче страстотерпче Ангели.

По обычаю и любви, мучениче, / прославляю подвиги, и святое твоё заклание, / и пролитие крови, и к Христу Божественное рачительство.

Молитвами твоими ко Господу, новомучениче, / чтущих ты защити от напастей телесных и душевных / на земли и на море во всякое время, соименный Ангелом.

**Богорóдичен:** Законодáвца рóждши и Светодáвца, / лóтую разруши́ тьму ума́ моего́ Твои́х моли́тв свéтом / и спаси́ мя, Влады́чице, осквернённаго, Чы́стая.

### Песнь 5

**Ирмо́с:** Твой мир даждь нам, / Сýне Бóжий, / ино́го бо, рáзве Тебе́, бóга не знаём, / Ё́мя Твоё имену́ем, / я́ко Бог живы́х и мёртвых еси́.

Твои́ми моли́твами даждь нам, Хри́стов страсто-тёрпче, / разрешéние зол и грех отпу́щение, / сла́влящим твою́ страсть и целу́ющим написáние о́браза твоего́.

Я́ко возлóбленнаго Хри́ста́ ты воспева́ем, муче-ниче, / я́ко страстéй приобщившагося / и совер-шённую и неизречённую ко Хри́сту́ любовь име́ющего.

Я́ко со́лнце, возсия́ пáмять тво́я свéтлая, / все сердца́ Божéственно просвещáющая / и любóвию Бóга, венча́ющего ты, согрева́ющая, блаже́нне.

**Богорóдичен:** Цари́цу Дéву Ты проповéда Дави́д, Пречи́стая, / сегó рáди молю́ Тя: / Небéснаго Цар-ствия мя сотвори́ наследника, да Ты ублажа́ю.

### Ин

**Ирмо́с:** Ты, Гóсподи, мой свет, / в мир пришёл еси́, / Свет Святы́й, обраща́яй из мра́чна невéдения / véрою воспева́ющия Ты.

Ран губи́тельства, лóтаго и злáго обстоя́ния / моли́твами твои́ми, новомучениче, к Бóгу пред-стояй, изба́ви, соимённы́й А́нгелом.

Прише́ствие губи́тельства моли́твами твои́ми удержи́ далéче / от восхваля́ющих пáмять твою́ всесвяту́ю, соимённы́й А́нгелом.

Бо́лезни злой изба́ви раб твои́х, ты воспева́ющих, / и губи́тельства стра́шнаго моли́твами твои́ми, соимённы́й А́нгелом.

**Богорóдичен:** Рай животá, Богорóдице, сýщи, / смёрти грехóвныя и страстéй многоо́бразных свободи́ мя скóро.

### Песнь 6

**Ирмо́с:** Проро́ка Ио́ну подража́я, вопи́ю: / живóт мой, Бла́же, свободи́ из тли / и спаси́ мя, Спа́се ми́ра, зову́ща: сла́ва Тебе́.



**Превосхóдит** во́истинну похва́льныя обы́чаи терпéние мно́гое, / егóже показáл есѣ, всечúдне, великолéпие.

**Небéсный** в тебé огонь разжигáся, мучениче, / егóже Госпóдь вложѣ, / при́иде Блажéнный на зéмлю и опалѣ сéрдце твоé в Божéственной любви.

**В** радóсти духóвней, новомучениче Ангелѣ, / благочествúющих мно́жество твою́ пáмять совершáет / и воспева́ет Божéственную страсть и борéние.

**Богорóдичен:** Мáтерь Бóжию и краснéйшую в жена́х, молю́ Тя прилэ́жно: / не оста́ви мя, но помѣлуй и от всякаго вréда сохрани́.

### Ин

**Ирмо́с:** Пожру́ Ти со глáсом хвалéния, Гóсподи, / Цéрковь вопи́ет Ти, / от бесóвскія крóве очѣщисѣя / рáди мѣлости от ребр Твоѣих / истéкшею Крóвию.

Поимáет тя, Ангелѣ, хранѣтелем, стра́жем / и застúпником вéлиим в напáстех всяких óстров Хиос, / в немже и свящéнную кровь излѣил есѣ.

Чтúще твоé, Ангелѣ, заколéние вóльное и благѣя дея́ния, / прáздник по вся лéта совершáем / и твоегó предстáтельства прóсим.

Освятѣлисѣя суть зéмля, кровь твою́ при́имши, / вóздух же — твой дух / и мóря глубинá — тéло, / сегó рáди спасѣ сýщих на зéмлѣ и на мóре молѣтвами твоѣими.

**Богорóдичен:** Едѣну́ Тя честнéйшую вéдаем, Всесвятáя, Херувѣм, / я́ко рóждшую Свéта Подáтеля, Богорóдице, / Егóже умоли́ к Свéту мя вселѣти незаходѣмому.

### Конда́к, глас 3:

**С**вятáго ты мученик лик, Ангелѣ, при́я, / ты же, на Небесéх ны́не раду́яся, пострадал есѣ /, и законно, благомúдрый, посрамѣл есѣ мучѣтелей безбóжную сѣлу, / и венéц взял есѣ нетлéния, ору́жием посéченный.

### Ўкос:

Вѣшняго житѣя вéчнаго хотѣй достѣгнути, соимéнный А́нгелом / и ангеломúдрый Ангелѣ,

новомученик Христов достославный, / нижнее тление разумно оставил еси, / сего ради волею предал еси себе свирепию и посрамлению мучителей / и безбожную силу и гордение разметал еси / безстрашным предстоянием и дерзновением словес твоих, / их же ради нечестие обличил еси, / Христа же проповедал еси, / Бога совершенного и совершенного Человека, / сего ради венец нетления взял еси, оружием посеченный.

### Песнь 7

**Ирмос:** Пещь, Спасе, орошашеся, / отроцы же, ликующе, пояху: / отцев Боже, благословен еси.

Раны многия, их же приял еси, / темницы страсть и смерть, соименный Ангелом, / верно воспеваем и восхваляем.

О, теплаго твоего ко Господу рачительства, / о, твоего терпения и любви! / Тойже ты от тления жизни изведе к нетлению.

Законно, страсотерпче, подвизаяся, веру к Творцу сохранил еси, / сего ради есть тебе победный венец, соименный Ангелом.

**Богородичен:** Облак Тя разумю, Богоневесто, / Солнце славы породивший, / светом озаряяй ночь моих прегрешений.

### Ин

**Ирмос:** Спасый во огни авраамския Твоя отроки / и халдеи убив, / яже Правда праведно уловляше, / препетый Господи, / Боже отец наших, благословен еси.

Приидите, страстолюбцы, потечем с любовью / и по вся лета светло праздник почтим светлаго новомученика, / в песнях изяществу его плещуще.

Како восписася в тебе, мучениче, благодать Святаго Духа / и умножися чрез покаяние и мучение!

Со Иаковом Ангели и с Панхарием воспоем / и с отроки страсотерпцы и с Петром зело прославляем, / со ученик множеством, яко победу.

**Богородичен:** Неизреченно во чреве славно приившей Бога благоутробия ради, / человеки



сла́вимой, ве́рнии, поклони́мся, / я́ко Ма́тери Бо́-  
жией Благосло́венной.

### Песнь 8

**Ирмо́с:** Егóже ужа́саются А́нгели и вся во́ин-  
ства, / я́ко Творца́ и Го́спода, / по́йте, свяще́нницы,  
просла́вите, о́троцы, / благосло́вите, лю́дие, / и  
превозно́сите во вся ве́ки.

Удиви́л еси́ горé А́нгел ли́ки / и у́жасу прича́-  
ствовал еси́ челове́ком, А́нгели, / и бе́сы, ви́дяще  
поспеше́ние к заколе́нию, устраши́лися.

Ору́жие те́ло разлучи́ и ду́шу твою́, / но ты взы́де  
ко Христу́, / ны́не ца́рствуеши с Ним, А́нгели, / и  
живе́ши в сла́ве во вся ве́ки.

Дух твой взы́де к А́нгел ликом, / те́ло же  
пове́ржено бысть в мо́ря глубину́, / ты яви́ся  
обличи́ти мучи́телей го́рько на немилосливом  
судя́щи.

**Богоро́дичен:** Возведи́ лежа́щего мя в глубинé  
злых, / ны́не боря́щих мя побори́ враг, / вредя́щих  
безме́стными сла́стми́ ду́шу, Чи́стая, / не осуди́, но  
помилуй и спаси́.

### Ин

**Ирмо́с:** Изба́вителю́ всех, Всеси́льне, / посреде́  
пла́мене благоче́ствовавшия, / снизше́д, ороси́л  
еси́ / и научи́л еси́ пе́ти: / вся дела́, благосло́вите,  
по́йте Го́спода.

Главы́ и персе́й ра́ны, и о́чию слéзы, / и из  
глубины́ воздыха́ния се́рдца, всеми́лостивый, по-  
страда́ти изво́ли.

Воспева́юще сла́ву страсте́й твои́х, / к Бо́гу тя  
ходата́я нарица́ем, / злых избавле́ние и грех остав-  
ле́ние, Богому́дре мучени́че, / тя про́сим, рабы́  
твой.

**Богоро́дичен:** Мно́гия нас спаса́ют Твои́ щедро́-  
ты, Всесвята́я Ма́терь Бо́жия, / от грех и напá-  
стей, / Ты бо, ро́ждшая Бо́га, милуеши весь мир.

### Песнь 9

**Ирмо́с:** Светоно́сный о́блак, в о́ньже всех Влады́-  
ка, / я́ко дождь с небесе́ на руно́, сни́де / и  
воплоти́ся нас ра́ди, / быв Чело́век, Безнача́ль-

ный, / велича́ем вси́ я́ко Ма́терь Бо́га на́шего  
Чи́стую.

**С**ветно́сную ду́шу твою́ А́нгел ли́ки и му́ченик,  
Ангелі́, / и пра́ведник со́нмы с любóвию поя́ша  
свѣтле, / ко Хри́сту приведо́ша Влады́ще, / И́же  
прия́ ю́ радостне, я́ко невесту́ избра́нную.

**В**ельмі́ свѣтлы́й день и радостны́й я́вися, му́че-  
ник Го́спода Ангелі́, / в нёмже ты пострадал еси́ с  
любóвию и Божѣственным ра́чительством Хри́сто-  
вым, / просла́вил еси́ Его́ Божѣственными стра́стя-  
ми твоими, / и, венце́м увенча́выйся побѣдным,  
взы́де ко Хри́сту.

**С**вѣтлы́й ны́не день наста́, / в нёмже мно́жество  
ве́рных помина́ет па́мять твою́, и дела́ твои́, / и  
кончи́ну твою́ блаже́нную, соимѣ́нный А́нгелом  
му́чениче, / темже поми́луй чту́щих тя ве́рно.

**Богоро́дичен:** Свет поро́дивши Божѣственный, /  
омраче́ннаго мя ко́зными вра́жиими и ле́ностию  
живу́щаго, / гнева́ющаго Бо́га, Непоро́чная, про-  
свети́, / наста́ви к до́брым дея́ниям, / я́ко вина́ су́щи  
всякаго до́браго.

### Ин

**Ирмо́с:** Я́ко одушевлѣ́нному Бо́жию Киво́ту, / да  
ника́коже ко́снется рука́ скве́рных, / устне́ же  
ве́рных Богоро́дице немóлчно, / глас А́нгела вос-  
пева́юще, с радости́ю да вопи́ют: / раду́йся, Благо-  
да́тная, Госпо́дь с Тобо́ю.

**С**ликовству́еши со А́нгел чы́ны / и с му́ченик  
со́нмы раду́еши на Небесе́х, / в це́ркве пѣсньми  
немóлчными, му́чениче, сла́вим, / Богонача́льствие  
блиста́ния непристу́пнаго, блаже́нне, приима́яй  
присно.

**В** Небе́сных селе́ниих живя́й, в ме́сте разу́мнем,  
му́чениче Госпо́день, / иде́же ли́ки а́нгельстии и  
святы́х видят красоту́ неизрече́нную, / о блаже́нне,  
услы́ши и моли́ся за ве́рных, / чту́щих тя ны́не.

**С** любóвию Божѣственную па́мять твою́ пѣсньми  
сла́влящему, му́чениче Богому́дре, / даждь, Ангелі́,  
твои́ми мольба́ми Богоприя́тными злых сво-  
бодитися / и печале́й и зол оставле́ние, / имѣя́й  
дерзнове́ние мно́гое, я́ко му́ченик Хри́ста́ Бо́га.



**Богорóдичен:** Я́ко пресвѣтлую, Богорóдице, ду-  
шій чѣстную имúщи красотú, / благодáтию же Божé-  
ственнойю с Небесé насыщáющи, / Свѣтом присно-  
сúщным озаряеши воспевáющих Тя, Дéво Чѣстая.

### Ексапостиларий.

Подóбен: Дúхом:

**Вéру** Божéственную, Ангелí, ю́же отвéргше  
пéрвее, / восприя́, блаже́нне, / и проповéда áбие  
пред безбóжными мучíteли, / и, проли́явый своú  
кровь, / и́стинно пребывáеши нам наде́жда и  
любо́вь.

**Сла́ва:** Наде́ющихся на тя ны́не, до́брый  
страстотéрпче, приима́я, / в День Сúдный не  
погуби́ наде́жду, / бúдет к Богу же любо́вь и ко  
вся́кому мно́жеству Ангел и свята́х.

**И ны́не:** Наде́жда всегó мíра, Богорóдице Дéво, /  
непобедíмая Влады́чицы предста́тельства про-  
сим, / и́же в ско́рбех пребывáющи и носíмии  
жити́я волна́ми: / умири́ стра́сти и в приста́нище к  
Бо́гу введи́.

### На хвалитех стихиры, глас 8.

Подóбен: О, пресла́внаго чудесе́:

**При́я** любо́вь Божéственную, / но́вый Христóв  
мúчениче, / вéрно в па́мять твою́ стéкшимся / днесь  
воспевáти стра́сти тво́я и по́двиги, / и́хже сверши́  
Божéственною любо́вию, ра́дуясь, / и во́льное  
честны́я главы́ усече́ние, и твоё спасе́ние, / даждь  
грех оставле́ние.

**С** благодарствием ты воспевáем, / мúчениче Хри-  
стóв Ангелí, / и со óтроки все́ми восхваля́ем с  
любо́вию ты, / и вéрно ты сла́вим со Иáковом  
пéрсом пёсньми, / и с Божéственным Петро́м  
верхóвником / в хвала́х ублажа́ем, / я́ко сотвори́  
побéду страстьми тво́ими.

**О**ку мíлостивому преда́емся, / недостóйнии тво́й  
хвалíteли, / и моли́твами тво́ими исполня́еши /  
проше́ния на́ша, Божéственный мúчениче, / при-  
нима́еши приноше́ния на́ша / за спасе́ние душí и  
телесе́, / я́ко предста́тельство имéяй ко Го́споду, /  
Его́же возлюбил еси́, / и любо́вию, я́ко вои́стинну  
смерть избра́вый, / жити́е отвéргл еси́.

**Губительныя болѣзни пришѣствія, / мучениче Христовъ Ангелі, / и злыхъ твоими молитвами ко Господу и молѣніями избави / вѣрою просѣщихъ тя, / Божественныя благодати и заступленія не лиші нас, рабъ твоихъ, / тепле любящихъ тя, / и в лютыхъ стяжавшихъ избавителя тя / и Божественное сохранѣніе.**

### **Слава, глас 8:**

**Путь мученичества приявѣй, / соименный Ангеломъ мучениче Христовъ, / желаніе уставивѣй в подвиже Христа воспріяти, / сего ради ныне в Небесныхъ чертозехъ живѣй / и пречистыми разумъ приложѣніями / преславныя заріи Божественности воспріявѣй, / молися за ны, во тьме житіи шествующихъ, / да Божественнаго свѣта получимъ, / в вѣре и любви поминающихъ присночестную память твою.**

### **И ныне, глас тойже:**

**Восприими, Вифлеѣме, Божію митрополию, / Свет бо незаходимый в тебѣ родитися приходит, / Ангели, удивитесь на Небесі, / человецы, прославите на земли, / волсви, от Персиды преславный дар принесите, / пастырие, свиряюще, Трисвятое пѣніе сладце воспойте: / всякое дыханіе да хвалит Господа.**

### **Славословіе великое и отпуст.**

#### **НА ЛИТУРГИИ**

#### **Служба мученическая, Блаженны особы:**

**Радуйся, страсотѣрпче новыи Христовъ Ангелі треблаженный, / с ангельскими ныне чины, / с мученик сонмы и всеми святыми / яко предстоиши Престолу Вседержителя.**

**Хвалами и пѣсньми, благоверне, / яко Христа возлюбленное чадо, ты восхваляемъ / и общника Божественныхъ страстей и смерти, Ангелі славный.**

**Со Христомъ сочетася усековѣніемъ честной главы, / достойный Ангелі, / живѣши и славишися вкупе с Нимъ, блаженне, / во вся вѣки радуяся.**



**Не преста́й моли́тися, страстоте́рпче Бо́жий, / за  
вся, благове́рно тя ублажа́ющая, / я́ко му́ченика  
Госпо́дня, / я́ко иму́щего дерзнове́ние ко Го́споду,  
Ангели́ сла́вный.**

**Святой новомученик Ангели** родился в Аргосе Пелопоннеском (Греция). На острове Хиосе святой Ангели был осужден мусульманами

на жестокие пытки и обезглавлен, с радостью приняв смерть за Христа. Мученичество святого Ангели совершилось в 1813 году.

В  
ТОЙЖЕ  
ДЕНЬ



**Преподо́бнаго Феоду́ла,  
бу́вшаго епа́рха Константиногра́да**

**Тропа́рь, глас 8:**

**В** тебе́, о́тче, изве́стно спасе́ся, е́же по о́бразу, /  
при́им бо крест, послéдовал еси́ Христу́ / и,  
де́я, учи́л еси́ презира́ти у́бо плоть, прехо́дит бо, /  
прилежа́ти же о души́, ве́щи безсме́ртней. / Те́мже  
и со А́нгелы сра́дуется, преподо́бне Феоду́ле, дух  
твой.

**Конда́к, глас 2:**

**Подобен: Вь́шних ища́:**

**Ц**а́ря тле́ннаго и скороги́бну́ща сла́вы, / му́дре  
о́тче, измени́л еси́ ве́чно пребыва́ющими, / от  
сто́лпнаго же и приско́рбнаго жити́я в Го́рнее и  
всера́достное взы́де, / превели́чества сла́вы Небе́с-  
ному Ца́рю сца́рствуя, Феоду́ле, / моли́ непреста́н-  
но о всех нас.

